


BAKURUBASANNI

(nîmôr 12 songs)

Mali kono = Dôrôme 300

Afiriki kono = Dôrôme 600

Jamana were = Dôrôme 1000




Kunnafoniseben bôta kalo o kalo. BP: 24 Téléfoni : 22-21-04. Bozola Bamako-Mali. San 24nan boko 291nan | A songo : dôrôme : 15

Kéle tasuma sara Tumutu ka hère tasuma mènè

San 1996 Marisikalo tilé 27 don, maramafén minnu kéra ka mögów faga Mali Kénekanyanfan kéle waati kono, n'o ye mögô murutilenw ka maramafén minelenw ye kéle bannen kó, tasuma donna olu la Tumutu dugu kono, k'u jeni. A tasuma mènèna, ka bonya, ka janya sanfè, fo ka mögów nekoroifa. Marifa suguya bëe tun b'a maramafé jchinew na, minnu hake tun ka surun 3 000 la. Fagali kéra ni marifa fén o fen ye Tumutu ni Gawo ani. Kidali maraw kono, n'olu sera ka miné, olu de nana fara nögón kan, k'u jeni Tumutu dugu kono, k'a masoró Tumutu ye dugu lakodónnen ye donnia sira kan kabini lawale la, waliju 333 dalen b'ukaburu kono yoromindugukolojukoro.

KONOKO

Jema ni Jijeni ce taama hamí bëna ban	n°2
Siyama sanubolaw ka bila nögónna	n°4
Gomi nafaw	n°5
Bangebaaw ye furu geleya u denw ma	n°7
Afiriki sidatow ka ca ni dijé yé bëe taw ye	n°8
Sogosogoninje	n°9
Balikukalan joyoré jamana ka netaa la	n°10
Kungosogow ni nsongsannin ka kéle	n°11
«BNDA» ni Malosénelaw ka juruko	n°12



O siratige de la, mögô bëe ye nögón soro Tumutu dugukolo barikama kan, ka je k'u naniya ke kelen ye, ka dugawu ke walasa Ala ka Mali kisi nin nögón were ma ; a ka hère kura basigilen sabati, ka jamanadenw bëe lafiya.

O de koso, kélekemarifaw jenina, k'o tamènè wele ko hère tamènè. Okoroye ko Mali kénekanyanfan burudamekéle min tun bë senna kabini san 1990 la, k'o kéle tasuma sara ninan, ka hère tasuma mènè. Osoròla bénkandefé, mintemennajamana némögôw ni mögô murutilenw ka jekulu "MFUA" némögôw ni nögón ce. Kélebolo minnu tun faralen bë nögón kan, n'u sonna ka kéle dabila, o fôlo ye «ARLA» ye. O némögôye Abuduramani Agi GALA ye. A filanan ye «FIAA» ye. O némögôye Bubakari Sadéki Aludu Mamudu ye. A sabanan ye «FPLA» ye. O némögôye Zeyidani Agi Sidalamini ye. A naaninan ye «MPA» ye. O némögôye Iyadi Agi Gali ye. A duurunan ye «MPMGK» ye. O némögôye Kapitèni Abudulayi Hamadahamani Mayiga ye. Nin kélebolo duuru mögôw ka hakili numansoró de y'a ke nîke!ébanna, bawo mögôsim'u wajibiya

ka marifaw bila. U labanna ka mögôw ni demejekuluw ani jamanaw ka delilikanw de lamèn, k'a to olu ta la ; k'a don ko sigikakuma de ka fisa ni kéle ye ; ko jamana te bo nögó la kéle kono.

Kéle banni sababu bôra mögô o mögô la, jekulu o jekulu la, jamana o jamana la, kabini Mali kono, fo ka se dijé yoré bëe ma, Peresidan Alifa ye olu fo, k'u walenumandón. O b'i n'a fo Zenerali Amadu Tumani TURE, min ni mögô murutilenw y'ubolonow bila bénkansében na kabini san 1992, walasa ka kéle banni sigikakuma bolo kan, min tora sen na, fo ka se kéle bandon ma. O b'i n'a fo Alizeri jamana ani Faransi jamana fila bëe némögôw, minnu ma sègen kuma la, Mali némögôw ni mögô murutilenw ni nögón ce, n'u ma sègen demeko fana la, sira bëe kan. O b'i n'a fo Mali sorodasijekulu, min kéledenw ye jamana lakanà, jamanadenw bëe sagola. Ob'in'a fo dijé demejekulu, minnuye nafolowniminenw, ani furaw ni balofenw di kéle waati kono, n'u y'a jira k'o te kötigé fo Mali kénekanyanfan ka bôkéle nögón'a sègen

☞ A to bë n°2

(n° 1 to)

na. O b'i n'a fo jamana minnu ye mogo baa yirika caman ladon konuman, n'olu siranna kélé ne, ka boli, ka t'u némadogo o jamanaw kono, i ko Moritani, Alizeri, Burukina, Lagine n'a tow bee lajelen. O b'i n'a fo Maliden yérew, minnu ye dugawu ke, ka saraka bo, ka sigikakuma ke, ka taamaw ke jamana kono an'a kókan, walasa kélé nin ka ban. Peresidan sorola ka wele bila mogo bolilenw ma, u ka seginka na fasola an ka je ka yiriwali kélé ke nogon fe, bawo lajaba kélé banna, o kéléden yérew y'u ka kélébolow bee ci, k'u ka kélémarifaw bee di k'olu jeni, k'u nésin faso baara ma, ben ni kelenya ani jekawale kono. O siratige la, mogo murutilen kórow y'a jira k'olu sago ye Mali depiteso ka sariya ta Mali kénékankéle banni kan, k'a jini jamanadenw fe, u bee ka yaafa nogon ma, mogo si kana jigin mogo si la tugun. U sorola ka wele bila Afiriki jamana dòw ma, k'olu ka Mali ta nogon ke, u ka kélé ban, ka marifaw jeni, ka kélétasuma faga, ka hérétasuma méné, walasa u ka jamanadenw fana ka héré ni lafiya soro. O jamanaw ye Angola, Burundi, Liberiya, Nizéri, Uruwanda, Senegali, Sarilon, Samali ani Sudan ye.


Nin hakilisigikumaw bee folen ko, Peresidan Alifa yére de bolo ye tasuma don marifaw la fole. A mogo filanan kera Jeri Arawilin ye, n'o ye Gana jamana Peresidan ye. O bora Akara k'i kunda Tumutu kan, ka soro a ma se Bamako, ka taa fara Alifa kan, u ka kow bee ke nogon fe. Ale yére kumara kosebe, k'a ka nisondiya jira, ka Maliden n'u ka némogow an'u démebagaw bee fo, kélé bancogo nin na, ale ma min nogon ye fole a ne na. Djiné jamana horonyalenw ka tonba, n'o ye «ONU» ye ; Afiriki jamanaw ka kelenyatónba, n'o ye «OUA» ye; silamejamanaw ka tonba, n'o ye «OCI» ye ; Mali be jekulu fen o fen na, ani Mali ni jamana fen o fen bolo be nogon bolo, olu bee ka cidenw tun be Tumutu, k'o fara lasigidenw, fangalamogow ani Tumutukaw ni marabolo tow bee ka cidenw kan. A kera gintan ye, min senfe, nénajé suguya bee kera a tile fila kono, fo ka dunanw wasa.

JEMA NI JIJENI CÉ TAAMA HAMI BENA BAN

Ntenendon, awirilikalo 15, san 1996, minisiriw ka némogó, Ibrahima Bubakari Keyita ye Jema ni Jijeni furance siraba dilanni baaraw dabaje fole ke.

ka Bamako ni Dakaro, ani Bamako ni Nuwakishotfurancétaamawhögoya kosebe.

An ka minisiriw Sada Samake ni Shekina Deteba Kamisoko tun be



Siraba in janya ye kilométrë 180 ye ; a bonya ye métèrs 10 ye. Baaraw musakaw be ben sefa miliyari 6, ani miliyón 960, ani baa mugan ni naani, ani kème ni bisaba, ani murumurunin ma. Siraba in be dilan Italikaw ka baarada «IMPREGILO» fe.

Baaraw kuntaala janya te temen kalo 27 kan, n'Ala sonna. Nafolo in dira farajela démelijekulu min fe, o ka ciden Kulosi Ruhe y'a jira ko sarati fosi ma wajibiyá Mali kan déme in siratige la. Sabu, wari in ninna jamana na. Sarati kelen min b'a la, n'a y'a sinsin o kan, kosebe, oye siraba in laminimogow k'u janto sira in na, sanga ni waati bee, walasa a kana ke baara fuu ye. Ayenin kuma in fo k'a geléya, k'a d'a kan, u delila ka segin kulukan jamana do ka siraba kan, fo siye saba.

Siraba in dilanni baaraw damine kera bonya ani karama, ani nisondiya dan bee ye, laminimogow bolo. k'a sababu ke, samiyé waati, taamalaw tun be se ka lère 6 ke furance in na, fo ka se dogokun kelen dafalen ma, i n'a fo Jemaka dò y'a fo cogo min na ; ka soro, ni sira ka ni, a te temen lère fila kan. Ni siraba in dilanna, a be ke sababu ye

kéne in kan, n'olu ye jamanakonokow n'a ka sariyakow némogow ye, ka fara Faransi ni Alimani lasigidenw kan, Gabiriyeli Belesizi ni Haro Aditi, ani jekulu wérew némogow.

Ibrahima Bubakari Keyita fa fo la, nin ye ko daminelen ye, min béné ke sababu ye sini, ka Mali kono duguw bee kala nogon na, ni siraba ferelenw ye.

Denba kabakoma

Ajrala koiranka musodo, mintogo ye Zahara, n'a si be sanji 42 la sisán, n'a furula k'a sito sanji 9 na, ale ye denke 13 de soro ani denmuso 12.

N'a bora denmuso fila la, minnu seginna u kó, den tow bee be balo la, u be sénéké, k'u ka denbaya balo. Zahara furula, k'a si to sanji 9 na, ce do ma, min si tun ye sanji 25 ye.

Akajiginni 25 nan senfe, dogotorow y'a denwoloso noro ni ton do ka yamaruya ye, min ka baara nésinnen don desébaato duw démeni ma, n'a sigira sen kan Alimami Komeyini yére fe.

«FAO» bē ka bagan labalocogo dō jenseñ Nizeri jamana kōnō

Djē jamana hōrōnyalenw ka tōnba n'o ye «ONU» ye, o bolofara min jēsinnen bē sēnekow ni balokow ma, n'o ye «FAO» ye, o bē ka bagan labalocogo dō jenseñ Nizeri jamana kōnō, min musakako ka nōgōn bagantigw ni cikēlaw ma cogo bēs la. O bagan labalocogo siratige la, nōgōn min ye «ire» ye (urée) o mugu de bē ke ji la, k'o nōoni, k'o funfun malofara, nōkala, binjalān n'u nōgōnnaw kan, k'a di baganw ma. A jirala ko "ire" kilo kelen ye sefawari dōrōme 18 ye; kilo 30 bē se ka funfun fēn kofolen ninnu kilo 600 kan, o ye malofara, nōkala ani binjalān n'u nōgōnnaw ye; o wari bē ben sefa dōrōme 540 dōrōn de ma; o sōngō ka nōgōn ni baganlabalofen tow bēs sōngōye, minnulakodōnnen bē farafinna ani farajela.

A bagan labalocogo feēre sababu bōra kēnyereye yiriwalijekulu dō baarakelaw ka nininiwalew de la, n'o bē weleko «EAA», n'otun sigilen bē Nizeri jamana kōnō, cikēkow yiriwali kama kabini san 1981 na. «FAO» kelen k'a lakodōn, o y'a jēsenni damine san 1991 la, Nizeri yōrō caman na, fō ka se cikēbuguda 600 hake ma. A jirala k'a kera wasako ye olu bēs bolo, bawo k'a bē misiw labonya, k'u latulo, k'u nōnō caya, wa, n'a bē di misiw m'a cogo la, u tē gala.

SARATIW BÉ ALIMANI KA DÉME LA

Alimani peresidan, Oromani Hērizogi ye taama dō ke kōsa in na farafinna jamanaw kōnō. Taama in kuncet senfē, a ye kuma nafamaba da Alimani yēremahōrōnya tōnba, dō ke nōmogōw tūto kan.

Oromani Hērizogi y'a jira, ko, a b'a nini farafinna nōmogōw fē, u'k'u jija ka demokarasiko sabati, ka hadamadenya gasi sigi ; mōgōw ka kan ni fēn minnu ye, olu ka d'u ma. Alimani jamana ye wari hake min don dēmē sira fē, a bē se Alimani wari «mariki» miliyari 70 ma. O miliyari 70 la, miliyari 46 dira Alimani fē forobadēmē siratige la.

Nk'o wari jurudonnen bēs sarali wajibiyalen tē.

Walasa Alimani ka se ka farafinna jamanaw dēmē, Oromani Hērizogiy'a jira ko sarati dōw bē yen, f'olu ka dafa. Peresidan ka fōla, o kōrotē ko Alimani b'a fē ka jamanaw danbe lagosi, walima ka jonya juru don u kan na. A ko, kōlōsiliw y'a sabati ko demokarasi ko ni hadamadenya gasi sigili ma sabati jamana ojamana kōnō, konafa fosi t'o jamana dēmeni na.

Okama, Alimani jamana b'a wajibiyā wari bē di fēn min kama, a ka don o sira fē ; fanga ka baaraw kēcogo nōfō k'a pereperelatige jamanadenw ye, jēlenya ni laadiriya la. Peresidan Oromani Hērizogi ka jate la, ni walew kera nin cogo la, danaya bē sabati farafinna jamanaw n'u dēmēbaga jamanaw ce.

«FED» ye Mali dēmē siraba dōw dilanniko la

Minsirijekulu ka marisikalo tile 25 lajē senfē, bēn kera siraba dōw labenni ani dōw dilannimusakawkan, jamana dugudōwni nōgōn ce, k'o musakakow bila bolo kelen kan.

A fōlo ye siraba ye, min bē bō Segu ka taa Bila ni Kucala fō ka se Faramana, n'o janya ye kilomētē 270 ni metē 14 ye.

Oyesiraba ye, min bēn labēn kokura, k'a ne ka t'a fē. O labenni baara bēna ke ciyakēda min fē, o bē wele ko «CSE». A musaka jatemineñen ye sefawari miliyari 7 ni miliyōn 975 ye. O baara kuntaala ye kalo 24 ye..

A filanan ye Wan ni Seware siraba ye, min janya ye kilomētē 106 ni metē 47 ye. O fana ye siraba labenta ye, k'a ne ka t'a fē. O baara bēna ke ciyakēda min fē, o y'e «SATOM» ye. O baara musaka jatemineñen ye sefa miliyari kelen ni miliyōn 980 ye. O baara kuntaala ye kalo 12 ye.

A sabanan ye Jēma ni Jijēni siraba ye, min janya ye kilomētē 179 ni metē 39 ye. O ye siraba kura dilanta de ye. O baara bēna ke ciyakēda min fē, o y'e «IMPREGILO-SPA» ye. O baara musaka jatemineñen ye sefa miliyari 6 ni miliyōn 960 ye. O baara kuntaala ye kalo 27 ye.

Nin siraba saba baaraw musakaw wari sōrōla Farajela jamanaw ka yiriwalijekulu ka dēmē de siratige la, n'o bē wele ko «FED». O dēmē kōson, taama bēna nōgōya a duguw ni nōgōn ce, sanko Jēma ni Jijēni ce, min bēna Kayi mara ni Kulukōrō mara don nōgōn na.


KONOBARA KABAKOMA

Dōgōtōrō woperilikēla dōw ka kōlōsiliw y'a jira ko den bē musokōrōba dō kōnō, min tōgō ye Antoniya Dosi Parazeresi, n'a si ye san 62 ye.

Muso in yēre ka fō la, kabini ale ce sara, jinan y'a san 25 ye, ale ni ce si ma da dilan na. Dōgōtōrō ka mansiw y'a jira ko den in ji bē samana, k'a ja, ka sōrō a ma tolī. A ma ke sababu ye ka baasi lase muso in ma.

Densu in janya ye santimētē 50 ye. Ni woperilikēra, faranfasiya tow bē sōrō.

«SYAMA» sanubolaw ka bilajogonna



Sanuboyoro min be Siyama, Sikaso mara kono, o baarakelaw n'u ka ciyakeda kuntigiso nemogow tun bilala jogon na barawaatiko ni wariko la. Kabini san 1990 la, baarakela kelen kelen bee ka baarawaati tun ye Lere 12 ye tile kono. N'a temenna Lere 12 kan, o wari be jate k'o fara kalosara kan wali k'a di a danma. Taalen nefe nagami ni sumaya nana donokola; fo ka nemogow ni baarakelaw bila jogon na. Nemogow ka fo la, wari be ka sara, ka soro baara te ka k'a kecogo la. Barakelaw ka fo la, baara be ka k'a kecogola, nka, nanbara be wari jatemineliko la. A fojogonko barika bonyara fo nemogow dimina ka baara lajo, ka yorow bee datugu, ka taa Bamako.

O y'a soro baarakela yerew fana tun ye baara bila kokelen, a baarawaatikon'a wariko kelen koson. A ko taara k'u sanuboladamawn'u nemogow bee bolo dan, fo kase Sikasomarabolo nemogow ani dugujukorokow minisiriso n'a ciyakedaw nemogow ma Bamako. Ominisiriso ni dugujukorokow ciyakeda togola, mogofila minnu bora Bamako ka taa Sikasokaw ta, u n'olu ka je k'u kunda Siyama kan, ka taa kuma sanubolaw n'u ka nemogow ni jogon ce, folu sera ka ben ko la, o kera Ibarahima Sisoko ani Abdulayi Kulubali ye. O fo kabeh siratige la, sanuboyoro nemogow sonna ka izini dayelen, baarakelaw fana sonna ka baara damine. U bee benna a kan ko baarawaati te temen Lere 12 kan tile kono. Nka, izini nemogow y'a jira ko muruti sababu bora baarakela minnu na, n'olu de ye tow konosuruku ka gerewuke, kon'olu ma gen ka baara la, u hakili te sigi. Baarakelaw wulilen be delili suguya bee la, walasa olu ka na gen ka b'u ka baara la. A ko b'o bolo de kan sisan.

Sisun be ka dawula soro dije kono

Mali sisun be ka sanga soro dije sugufiyebaw kono, ka fara koorini baganw kan. Ajirala ko donnikelaw y'a nini mogow fe, u ka «Shokola» dilan ni situlu ye kakawotulu no na.

Nin tulu fila bee nafa donnen don baloko ni furakeliko sira kan. Nka n'i y'a ye, a be fo do ka bila dano na, ib'a soro furancenin b'u ni jogon ce.

Hakililajigin siratige la, situlu dondalali ma damine sisan. Sepomu ni Sikamalin i koma iziniye fen caman laben ni situlu ye, muntulu «kariteya» be minnu cema. Do farali situlu dondalali kan ka t'a fe, o be se ka nafa jumen lase an balima kungokono musow ma, ka do fara u ka soro kan, walasa u ka bongola ka sabati? O nininkali ka kan, bawo olu de be yaala kungo kono, ka sikolow tomo k'a lamara fo ka taa se a feereli ma sugu la. Nininkali filanan be sisun yerew hake kan Mali kono fo ka se izinilabaara fen caman ma.

Sisun donnen don ni sikolo tulu boli ye an bara Mali kono, k'a ke balo ni fura ye. Sanji be na Malivoro minnu na kosebe ka tengun Lagine ni Kodiware la, sisunw ka ca o yorow de la.

Si te dan anw ka jamana kono, a sun be wuli a yere ma kungo kono. Si be suman senelenw sorojiidi, ka tila k'a yerejidenw soro jiidi.

N'an ye jatemin k'e a nafaw kan, an b'a ye ko kolon ni kolonkise nitobilikeminew bee be dilan ni sijiri de ye Mali togodaw bee la. Kungokono mogow b'a ke dogo ni finfin ye (saribon). Simo denw be dun. A feerew ka di didenw ye, di dilanni kama. O de koson sisunw ka ca yorow minnu na,

jununw be da yen de kosebe, walasa ka di caman soro.

Nka nin bee la, a tulu de jogonte. A fo ye min ye, tobili te ke Mali togodaw la situlu ko. Situlu de be ke fitinedaga kono ka yeelen di mogow ma wula kono. A be ke safune ye, i b'i ko ni min ye, ka jolimisenniw tunun, ka farikolo nugu. Laadala furakeli sira kan, tasumajenidaw ni wolopereperepw ni farikolo bana caman werew be furake ni situlu ye.

Ni kakawotulu te gatodilannaw bolo, u be situlu ke ka gato dilan.

Si jeciw ka ca cogo min na, yali Mali sisunw bee be sek'ankajamana sokono magow n'a kakan magow bee ne wa? A jirala ko san kelen kono, Mali sikolo sorolenw hake be taa kilogaramu 187.887.600 jogon na, yelema be se ka don min na, k'a sababu ke samiyekcogo ye.

Ajirala donnikelaw fe ko sisun seneli ka gelen, wa tasuma ni ninew n'u jogonnaw ka jugu sisun ma kosebe. O bee temennen ko, sisun te dennidamine fa ka san 20 soro, bawo a wuli ka go. Sisun be den kosebe san 40 ni san 50 fanfela la.

O n'a taa bee, ni kow be nin cogo la, wajibiya don cikelaw k'u jesin si seneli ma, walasa a soro ka se k'an nafa sira bee kan. Ni ciyakeda kerenerennen jora k'a ka wale bee jesin si dondalali ma, i n'a fo «CMDT» jogon, min ka ko bee bennen don koorisne ma, a ka c'a la, siko na se ka caman bo musow kundoni na, k'an nafa jamana kono an'a kakan.

Senekemisi joyro ka bon

Senekela caman be ka senekemisiw bila bolo kofe, tilema waati; k'a sababu ke baganw ka dumuniko geleya ye.

N'a fo ronko sanji folobinna, misiw ka baara damine yoronin kelen, ka soro kongo be k'u degun, bee b'a don ko geleya b'o la kosebe.

Senekelaw k'u jija k'u janto senekemisiw la sanga ni waati bee la. N'o kera, soro be yiriwa. N'i y'a men ko senekela waraba, Ala ni senekemisiw sababu don. Kabini sisan, senekelaw ka kan ka senekemisiw gere u la, sanni sanji ka bin.

Siyaka Kumare
Animateri-Fiyena-Kulukoro.

SANU JEMAN YE DUNKAFAKO

An be don min na, i ko bi, koorisene b'a la ka yiriwa Mali fan caman fe. A senebagaw be ka caya; don o don be fara u kan. Nafa b'a la. Senekelaw wo, jamana wo, bee be do soro.

Nka, nin san saba kono, no songo gelevara kosebe sugu kono. N m'a fo k'o geleya in bee sun be koorisene la; nka koorisene nonin b'a la. N be misali ta kita mara kan. Folo, Kita kaw ka fen senetaw tun ye no ani tiga ye. Nka, bi bi in na, koori sene baga cayara Kita mara la, fo k'a damateme.

Folo, no ni tiga tun be bo Kita, ka jigin Diyo, Kati, ani Bamako suguw kono. N be misali ta anw ka sugu kan, no ye Diyo sugu ye.

Folo, a te temen san saba kan, k'a ta nowanburukalo la, fo ka t'a bila mariskalo la; k'a damine samiyé damine la, fo ka taa se samiyé banni ma, no kilo tun te se doreme mugan ma.

Kabini koorisene daminera Kita mara la; a san saba ye ninan ye, san o san no songo be ka yelen. Bi bi in na, anw ka sugu la, no kilo songo taara fo mugan ni fila l.

N'a sera nin songo ma kelen, a fo a na se ka san ninan samiyé la? Folo, Kita mara mogow tun be jigin ni no camanye anw ka sugula; nka sisan, olu b'na no san anw ka sugu la; u ka koori wari mana d'u ma.

Koori ka sanga ye diyagoya ye, bawo, senekela o senekela, n'i te koori sene, i te dan mogo. Misali la, nogo juru, senekemisi juru, ani senekela magone fen caman werew, minnu si juru te don senekela la, ka soro ite

koori sene; Mali bankiw bee sinsinnen b'o kan.

An be waati min na, i ko sisan, tubabunogo joyoro bojana senekela kosebe. N'a fora ko senekela te juru soro, fo i ka koori sene, haa! o ye baaraba ye sa de!. San 1995, samiyé la, <<B. N. D. A>> ye nogo juru doren don an ka ton na. Anw mago tun be nogo bore hake min na, an m'o soro. Anw ka ton mogow ka koori sennenn hake nogo de dira anw ma. Ajirala ko san kelen juru do. Koon' mana feere, a be sara mekalo waati la.

Nka, anw ka ton ye juru in sara, ka



soro an ka koori bee yere ma bo ka ban.

Bawo, anw taara <<B. N. D. A.>> ka juru sara, desanburu kalo tile 17, san 1995. Juru in sarala cogo di?

Anw fe yan, woson fana be sene kosebe. Fen be soro a fana la kosebe, bawo dun ta ni feereta be soro a la. Ale sannifeere be damine kabini okutoburukalo la. Woson wari y'an deme ka << B. N. D. A. >> ka juru sara.

N be foli ani tanuni ke ka lase an ka ton kuntigiba ma, no ye Wuye Semon Jara ye, ani Kalilu Jara, Burulayi Jara, minnu bee ye kibaru kanubagabaw ye.

**Dirisa Bakari Jara Balikukalan karamogo
Diyo-Buwatubugu. Kati.**

Gomi nafaw n'a neciw

Mali ye jamana belebele ye, jiri suguya caman be soro min dugukolo kan. O jiriw cema, gomisun b'a ha. Gomisun ye Saheliyanfan jiri de ye, min be soro Yelimani, Joro, Nara ani Mali korenfela maraw la.

«Gomi arabiki» n'a be wele Mali la ko gomi, jirineji de don, min be bo sahelijamana mogow fe, i ko jiriden, n'a nafa n'a neci ka ca, kungokonemogow bolo. Kabini gomisun lakodonna don min, a nafaw n'a neciw fana lakodonna doonin - doonin ka t'a fe.

Baara caman be ke n'a ye laadala siraw kan a bobagaw fe. Buguturu-bugubow b'a susu k'a jeni, k'a ni nare nisukaro nagami, k'ojim min nononona.

Anw fe yan, a kise-kisew faralen nogon kan, obi wele ko baraganti, min be kunkofodimi gelen furake, n'i y'i wusu n'a ye. Yoro daw la, a be ke ka sumuni ni kolo karidaw furake.

Hali farajela, folo-folo, olu tun be mura hitogo-togonin ni basibonw furake ni gomi ye.

Halisa farafinna bololabaarakelaw be koli ni dabaji ni negenkelanw ni kunsigi pomadiw dilan ni gomi ye.

Bi - bi in na, takalagomi (bonbon) te dilan yorosi gomi ko. Gomi joyoroba be jege ni sogo lamarali la buwatiw n'a nogonna minenw kono.

A joyoro man dogo dumuni caman labenni na, in'a fo «shokola» ni nare ni tulumafen werew.

Min ye dogotro baaraw ye, sanko faramansi siratige la, furakise caman belaben nigomiye, sogosogobonbonw be minnu cema. Siro furajiw fana be dilan n'a ye. Neciba be gomi la, farikolomun-tuluw ni puduruw ni safunew dilanni na.

Letere forokow «tenburuw» koli be bogomi dela. Koli suguya caman werew be yen, minnu be laben ni gomi ye.

A jiral'aw la sanfe cogo min na, «Gomi arabiki», n'a be wele Mali la ko gomi, a nafaw n'a neciw te se ka fo k'a ban. Jiri in n'a nogonna caman de b'an ka jamana kono, n'any'an jija, an be se ka nafa caman soro minnu na.

Ka bo Konsofon

Ne Amari Fonba nisondiyalen be nin letere ci Kibaru ma, ka kibaruya do d'u tulo kan. Ne y'a men ko ka bo Namina ka na Kulukoro, k'o sira te Mali ka papiye si la.
Namina dun ye arondisiman ye. Kumadan sigilen be yen. Namina arondisiman nisongo be sara. Ka t'a ke a sira te Mali papiye si la, o ye ne Amari kamanagan. Ne be nin letere ci Kibaru ma, walasa u k'a kuma segesegé, k'a nedon, k'an bo fili la. Anw ye sosoliba de k'a la. Kibaru ka nininkali ke, ni sira in be papiye la, k'o fo arajo la; n'a t'a la yere, u ko fana fo, walima k'a bo Kibaru kono.

Amari Fonba
Animateri
Konsofon, Kulukoro mara la.

Amari Fonba ka nininkali jaabi
Kibaru nemogoyaso be Amari Fonba ladonniya ko Kulukoro ani Namina furance siraba be Mali karitiba kan. O koso, a be se ka fo ko Kulukoro ni Namina furance siraba dilanbaliya be soro nafako la. Baaarada dow be yen, minnu be sirabaw dilan togoda dow la, k'a sababu ke o togodaw nafaw ye. «CMDT» ye o misali do ye. N'o y'a soro koori caman tun be senem namina dugu kono, sisan tun b'a soro «CMDT» ye sira kofolen dilan fo k'a ne.

MUSOW KA KAN KA FANTA LADEGE

Kabini ne Alifonsi ye Kibaru kalanni damine, ne tun ma deli ka muso si ka bataki soro Kibaru kono. Nka, ne ye Fanta Taraweleka bataki soro Kibaru boko 289 nan kono, n'o ye fewuruyekalo Kibaru ye. Ne y'a don ko balikukan ni Kibaru ka cesiri ka bon kosebe, mogow ka netaa la, kalan siratige la. Ne b'a nini

musow fe, u k'u jija ka Fanta Tarawele ladege, ka kalanké, ani ka bataki ci Kibaru ma, ka d'a kan, kalanbaliya ye dibi ye.

Ni musow bee sera ka kalan, ne be se k'a fo, ko kalanbaliya be ban pewu. Ne ka foli be Kibaru nemogow ni balikukan karamogow bee ye. Ala ka hakili numan di bee ma.

Alifonsi Jara
Katesisi Facana - Fana.

Furumuso ka kan ka muju

Mogow be ntalen do da : «mogo mana wolo sa la, i b'a siri i ce la». Ne ma da ntalen in na. N'i y'a siri i ce la, a b'i cin; wa n'a y'i cin, i te bo a la.


Sa ye mun ye ? Mogo malobali, keletigelaba, jato, fana, nson. Kuma lasurunya la, sa te doweré ye mogo malobali, walima mogo miiribali-ko. Fen min b'an bali ka wolo sa la, k'an cin, o file : cew ka miiri tuma bee, k'a

d'on k'u kokun barikali be bo unimusowka ben kono. Muso ka muju, ka sabali tuma bee, k'a don, ko muju ni sabali de b'a to muso te wolo sa la.

O kofe, den ladoncogo b'a to den te ke sa ye. An kana denw t'u yere ma. Anw k'u lamoka ne, walasa u kana ke sa ye k'an cin.

An k'an miiri; miiri de be se ko bee la.

Majan Sumayilake Kulubali
Fasumuku, Kula.
Kulukoro mara



Kooriw ma ce folo de !

Anw fe yan, Kula, geleya min b'anw kan, o te doweré ye koori warisorobaliya ko. Kooriw peselen kalo sabanan ye nin ye; u ma ce folo, sanko k'u wari sara.

Anw senekelaw ka tilema kono musakakow sirilen don koori wari la. N'a fora ko koori wari sarali tuma ka bila ka samiyé were kono, o b'a soro cikelawye juruta fo ka caya'u ka wari ye. K'a d'a kan, furunafolow ni nasongow ni feerebow n'u nogonnaw bee be bo koori wari la.

An b'a nini koori izinitigw fe; wajibi te koyi; nafasoro ninini don; u k'u janto kooriko in na de. Ne be nininkali min k'a ko la, o file : ni sanji teliman nana koori kan, o koye be ke cogo di ?

Dirisa Fonba n°1
Kula-Joyila mara la

Mogokoroba kuma

Farafinna danbe,
Denw temen sababu nogon kan,
Cew farinya kun nogon ye,
Musow sabali kun nogon ye.
Duw diya kun nogon ye,
Nogon bonya sabati kun,
O maakoroba kuma soro goyara.
A be fo ko maakoroba kuma ye kilisikan ye,
Ko n'y'a fo i ye te koro abada.
Mun y'a soro goya ?
Faw ko denw te geregere maakorobawla,
Faw ko denw te sigili masoro bilen.
Ko mana-mana geren cayara;
Ko kun te cefarinya la bilen;
Ko dije te laben bo bilen;
Konifini ni warib'ibolo, ko nogoyalen y'o ye;

Ko n'i ye min laben, o be nin a yere ko.

Denw ko faw juguyara.
Ko faw nata bonyara.
Ko faw te sigi u sigiyoro la bilen.
Ko nogonkorofo ka ca cekoroba baro la bi ni kuma korofo ye.
Ko alikoli minni ye mogosabe kuma ban.
Folo, seben tun t'an bolo, nka maakoroba barotun ye kalansoye; o kalan tun be mogo magone dije ni lahara.

Kasumu Kulubali
Namana-Bila mara la.

Bangebagaw bë ka furu. geléya u denw ma.

An be don min na i ko bi, malidenw jate be ta miliyon (10) hake la. O miliyon tan (10) inna, ib'a soro funankeninw (minnu sera furu keli ye) be miliyon wooro (6) hake bo. Ofunankeninw (cémisenw ani npogotigiw) ka ca jamana kono, minnu ma se ka furu ke. Mun de be ka funankenninw bali furu la ? An ka kan k'an yere nininka a kun na.

Bi-bi in na furu ka di funankenin ceman n'a musoman bee ye, nka a kuma foli kelen be tasuma ye. Furuko kuma te se ka fokene kan, a be njunununu de, sabu, n'i kofuru, i be geléya suguya bee ye i ne na. Furuko geléyara ka sababu ke bangebagaw ka janiya kura talen ye ka nesinfurukelawma. Sisanfurumusakaw cayara fo ka dan teme. N'i ko, i be furu ke bi, i be wari caman bo min soro cogos fosi t'i bolo. Muso bangebagaw b'u ka segen musakaw kafo u denmuso kan. Aw ka don ko furu musakaw cayali de kelen be ka cémisenw caman siran furu ne. Sisan furu keli kelen be siran ko ye an bee lajelen bolo.

Cémiseninw te se ka furu ke sabu cogoya fosi t'u bolo min b'a to u be se ka furunafolo in sara. Sisan furu te boli hadamadenya sira kan tun; a be boli nafolo de kan. Ni nafolo caman te mogo min bolo, o tigi te se ka furu ke. O de y'a to npogotigiw kelen be feerefew de ye minnu be san wari la. N'u san wari t'i bolo, i te se k'u furu.

Ala ma furu sigi wari koso; furu sigira hadamadenya jigi de koso. Ni furu o furu sirila wari de la, o furu te meen, sabu ni wari banna furu be sa, muso be taa u ka so.

Furu musakaw temennen ko, an k'a don ko wale kelen be ka geléya don furuko la. O wale in be boli denw ladamucogo kan. Bangebagaw desera denw ladamunicogo numan na. An be don min na i ko bi, muso caman ka furuko geléya sirilen be uyere jogojugu de la. O musow ladamu cogoman ni ut'k'u cew bonya; u te se baara la. Ce daw fana jogo man ni; furuce numanw te, u te se ka furu ke sabu, u tena se k'u joyoro fa u muso n'u denw ye.

N'an be kolosili ke ni hakili ye, an b'a don ko sisan furuko geléya sababu belebele ye bangebagaw de ye, barisa olu de kelen be ka furu musakaw caya; olu de deselen be k'u denw ladamu cogoya numan na. Furuko geléyara ka sababu ke bangebagaw ye. bangebagaw nata bonyana.

Furuko geléya in be na ni kasaara juguw de ye jamana kono :

- a be na ni bolonfendenw wolo cayali ye; denw be bange nka, u ma soro furu kono.
- a be na ni sungurunbaya ni kamalenbaya cayali ye sabu ni furu te se ka ke, musow be ke sungurunbaw ye yelema-yelema na cew ni nogon ce su ani tile bee.
- a be na ni konobara tige ani den faga ye. Sanni cémisenw ni npogotigiw ka den soro nogon fe nbeedaw la, mun de la, u bangebagaw te feere tige walasa k'u furu nogon ma.
- a be na ni furu tuma temenni ye.

O tuma, kasaara minnu sirilen be furuko geléya la an ka jamana kono, olu sababu yan bangebagaw de ye. An ka furu musakaw nogoya nogon bolo, o de lafiya ka bon, o de be hadamadenya bolofaraw caya, ka tila k'a sinsin.

Amidu Kulubali-Balikukaramogo
Bamako

A BARIKA «C.A.C.» YE

Ne ka foli be ka taa «Seyase» baarada ye, minsigilend doncikelaw demenikama, dunkafa sabatili siratige la.

«Seyase» be jurudon cikelaw la, ka no san k'a mara ; ni samiyé sera, no be feere.

Tono min mana soro, o ye dugu mogow ta ye.

Ntamadi dugu be «Seyase» baarada nemogow bee fo. Ntamadi ye ponpe solere soro, Ala ni «Seyase» sababu ; dugu ka sarata benna sefa waa kemema. Ponpe in be barikon kemem ji bo tile kono. Hadamadenw ni baganw be jisaniyalen soro.

A barika «Seyase» baarakelaw bee ye. Ntamadi ye balikukalanso jo «Seyase» ka wari dilen na ; o musakaw benna sefawari waa 40 ma. «Seyase» ye miliyon kelen di dugu ma, ka baarakse n'a ye ; ni tono min soro, o ye dugu

mogow ta ye ; ni «Seyase» ka sarati dilen dafara a ka wari be segin a ma. Geléya be se ka soro wari seginni na. Dugu mogow k'u jija ka benkanseben waleya, ka layidu tiime.

Kaka Kane Balikukalan Karamogo
Ntamadi - Madina Sako Bananba mara la

KA BO MOTI

Kalo o kalo, ne be dugu caman kunnafoniw kalan Kibaru kono. Anw feyan, Moti, anw ka jekulu mogow be se 26 ma. Zetezedi ka porozé Fuwaye» de kera sababu ye ka kalan lase anw ma.

Mogo be fen o fen di mogow ma, o bee be ban, fo kalan. Ni mogow ye kalan d'i ma, fo n'i sara n'a ye don min n'a ; n'o te, a nafa te ban abada.

Wa, anw ka foli be zetezedi mogow ye. Anw ka baara ye gakulu negemaw dilanni ye, k'u feere tobilikela nana wma. O temennen kofe, an be furuno katikareniforunoko orilenw fana dilan, ka fara gadibiw, kesuw, ani siyow ni fen caman werew kan. Nin tun ye Seku Tarawele, Mamadu Kane, Masa Kulubali ka kuma ye.

Musa Kulubali Moti - Dinné kono

DIYEKAW YE KALANSO CACS

<<P.C.A.P.>> ye kalanso kura jo ka di Diyeckaw ma, n'olu ye kuna digi senekelaw ye. Kalanso in joli musakaw sera sefa miliyon 5 ma.

Kalansokura in dayeleli jenajewsenfe, kuna digi senekelaw ka peresidan, Nuhun Kamiyan ye kuma ta, ka senekelaw ka nisondiya n'u ka sewa jira. A ye «P.C.A.P.» kuntigiba fo, k'a walenumandon.

Peresidan y'a jira ko nin t'a siye folo ye, «P.C.A.P.» ka diyeckaw deme. A delila ka malosi, nogo, malogosimansin, maloworo mansin, ni finiw di senekelaw ma.

Nuhun ko ni Ala sonna, senekelaw bëna kalanso in matarafa kosebe. A ye foli lase Ofisiri nemogoba ma, ani kaziye nemogoo.

Afiriki sidatow ka ca ni dijne yoro bce taw ye

Ciyakeda min nesinnen be bana kenebali SIDA kubenni ma, dijne jamanaw bee kono, n'o ye «ONUSIDA» ye, o baarakelaw y'a jira ko SIDA be mogo hake min faga Afiriki kono, k'o ka ca ni dijne yoro tow bee lajelen ta ye sijne kemé. Olu ka fo la, o sababu ye SIDA keleli wariko geleya de ye, ani mogo yere mago bocogo a baña kubenni na. Osiratige la, u ye jatemine minnuke, olu daw file :

- San 1995 banna ka sorø SIDA be mogo miliyon 13 bee de la Afiriki kono. Ob'in'a fo ko n'i ye dijne jamanaw bee lajelen sidatow kemekulu kelen ta, Afiriki doron sidatow be ben mogo 65 de ma.

- Jatemine law y'a jira cogo bee la, k'an be waati min na sisan, ko SIDA be mogo 7.500 de minne dijne bee kono don o don. U tilala k'a fo, k'a d'a kan, k'o mogow tilance be bee Afiriki de kono.

- O jatemine la kelenw ka fo la, ni sidako tora nin cogo la, a be mogo miliyon 30 wali 40 minne dijne bee kono, sanni an ka se san 2.000 ma, n'o to tora san naani doron ye. Oyoro fanala, u'y'a fo k'a d'a kan, k'o mogo kemekulu kelen bee la, mogo 60 be bee Afiriki kono.

- Jatemine labanna musow la, k'a jira ko Afiriki kono, musow be sidako fan bee cema. Musow de be sidatow ladon, k'a segew n'a toorow ke. Musow de ke ka teli

ka SIDA bila cew la. Musow mana kono ka sorø SIDA b'u la, o be yelema u denw fe. A jirala ko SIDA be muso miliyon 10 de la dijne kono sisan; k'o musow la, miliyon 8 bee be bee Afiriki kelen doron kono; ko n'i ye denmisennamogo sidatow kemé kulu kelen ta, i b'a sorø 60 ye musow ye, a to 40 ye cew ye; ko fen min be ka juguya ka t'a fe, o ye muso sidatow kono maw ka bana yelemai y'u denw fe, kabini denw b'u wolobaw debé la, fo ka na se olu jiginni ma, ani denw be waati min ke sin na. O siratige la, jatemine la, u'y'a jira ko SIDA be denwololen kura miliyon kelen de la sisan Afiriki kono.

sidabana be mogo faga an ka je ka sidabana lajo

PNLS
Sida keleli baarada jamanu koro
BP: E594 TEL: 22 36 15

a' ye kunnafoni jini Sida keleli baarada fe ana bolofaraw

MSSPA
SKeneya, recordante ni naakrow
lakoni minisirio - Mali

An nit se ka lakani fo an
bee k'an cesiri.

Sida ye nin san kemé laban in bana jensen ta de ye.

Sida ye Mali masibabanaw do ye.

K'a daminc san 1986 la, n'o bennia sida lakondi ma Mali kono, ka na se san 1995 ma, sida banakise be mogo minnu joli la, o be taa mogo 194.000 ma. O mogo ninnu na, mogo 30.000 ka bana dara kene kan. O mogo 30.000 la fana, mogo 25.000 fatura.

- San 1995 doron kono, sida ye mogo 9.000 faga Mali la.

- Sida banakise b' a la ka mogow mine don o don, sida yere b' a la ka tijeni ke ka taga a fe.

Walasa ka masiba in kunben, fanga ni jamakulu ni demedonjekulu bee y'u bolo di pogon ma.

SIDA keleli te do were ye ka fereew siri ka bana kunben, bee k'i jo i joyoro la, bee ka pogon deme.

Sida koni be mogo faga, nka alalatigebana te: bee be se ka yelema don i yere jogo la ka bana in kunben.

Sogosogoninje

Bana yelemtaw bée la, sogosogoninje de nōgōn bana jugu tē, mogokoroba caman sababu bē ka bō min na.

Don o don sogosogoninje bē mogō baa yirika mine dijē kōnō.

Dijē jamana hōrōnyalenw ka tōnba bolofara min nesinnen don kēnēyakow ma n'o ye «OMS» ye, o y'a jira ko san 10nataw kōnō, sogosogoninje bēna mogō miliyon 300 mine dijē tonkun naani bēs la, mogō miliyon 30 nōgōnna bēna faatu minnu cēma.

Dijē jekuluba in ka foli la, an file yōrō min na, sogosogoninje ka mogō fagata ka ca ni sida ni sumaya banaw bēs faralen ye nōgōn kan.

A jirala k'a bē denmisēn minnu faga

san kōnō, o hake bē se 170.000 ma. sogosogoninje ni sida bē ka don nōgōn na ka tijelibaw ke jamana hōrōnyalen kuraw kōnō. Dijē mume bēs segennen don sogosogoninje bolo bi, hali mogō hakili la, k'a tun banna jamana minnu kōnō pewu, i'n'a folamerikēn jamana ni farajela setigi jamanaba wērew, a bē ka poyi yen yōrō la ni fangaba ye.

fēnēnāma ni joli ni ji si te sogosogoninje bila mogō la. Sogosogoninjetō wērew de b'u ka bana jēsen u kērefela la.

N'u sogosogora walima ka tiso walima ka kuma walima ka dajit, sogosogoninjetō bē banakisew suran k'a bō u fogonfogon na, minnu bē mēen kēnēma sanni u ka sa. U mana don mogō kēnēma min da wali nun kōnō, o ye bana yelemalen ye o tigilamogō fe. sogosogoninje ye bana ye, min yelema ka teli.

«OMS» y'a jira k'an file waati min na, Sida bana, fura tē bana min na, yēretanga kō, k'o lajensenni de bē ka dōfara sogosogoninje barika kan. A jaterminera san 1994, ko Sida yera mogō miliyon 14 minnu na dugukolo kan, k'o sidato mogō miliyon 5 ni tila bēs ye sogosogoninjetō ye.

A jirala ko sida ni sogosogoninje bēs bē nōgōn lajuguya ka t'a fe. U kelen-kelen bēs bē dōfara nōgōn fanga kan ka tijeli ke.

Dijē kēnēya walew tōnba «OMS» y'a ka jore jira sogosogoninje suguya dōw jēsenni kan, furakōrō dōnnēn si te se ka minnu ban. Ukoniminecogo, jēnāma ma sōrōolu la, o sogosogoninje suguyaw tēna se ka kunben sanko k'u furakē. A jirala k'o sogosogoninjetō joli bē dege fura la fo ka taa fura dēsē yōrō min bana la. O bē sōrō furakēlē kēcogo de fe.

Ni banabaato ma furakise hake folentā, waati bolodalen kōnō, dōgōtōrōw fe, a tē kēnēya.

N'a joli degera furaw la, utē foyi nē a ye tugun. Mogō faamuyalenw sogosogoninjetō la, olu y'a jira ko sogosogoninje furakēbali, furantanw bē hadamaden miliyon 50 nōgōn na dijē kōnō. U bē ka fērēw nini u kunbenni n'u furakē la.

A jirala ko furacogo juman min bē sogosogoninje la, n'a ka teli, o ye furakisewtaliye banabatōwfe, dōgōtōrōw ka kōlōsili kōnō. O bē dansigi bana la, ka banabaato bali a ka dege fura la fo k'a kēnē yōrō min.

Dōgōtōrōw ka foli la, ni sogosogoninjetō min ye furaw ta a nē bēs ma, dōgōtōrōw ka kōlōsili kōnō, o bē kēnēya kalo 6 kōnō. «OMS» y'a ganse a ka sēben dō kōnō, san 1996, mariskalo tile 21, ko sogosogoninje ye tijeli min ke san 1995 kōnō, a ma deli k'a nōgōn ke kabini Ala ye dijē dan don min. A san kelen dōrōn kōnō, mogō miliyon 3 nōgōn bōnēna u ni na k'a sababu ke sogosogoninje ye.

«OMS» ye mogōwladōnniya fana sēben kelen in kōnō ko kabini san 1882, mariskalo tile 24, n'o bēnna sogosogoninje banakisew lakodōnni n'u kēlēcogo ma «OROBERI KOKU» fe, banajuguinyemogō miliyon 200 nōgōnna kaburuw sen.

SARI/YA : Garibuya bē se ka mogō lase kasō la

Garibuya bē ka juguya kōsēbē an ka jamanaw kōnō. Fōlō gaributunye mogōye, lujura bē minna, lujura min b'a tigilamogō bali ka baara kē. Bēs b'a dōn k'o tigi wajibiyalēn don ka saraka deli. Tuma caman yērē, a t'a deli, mogōw de b'a bō u diinēn'uñaniyalā, k'a son.

Nka bi, baarakēbaliw ni saliyabaato bēs kērā garibuw ye. An ka jamana nangili sariyasebēn dakun dōw b'a jira ko mogō o mogō, n'a ka kēnē a wolo n'a kunkolo la, n'o tigi minēna delili la nbēeda kan, o bē minē ka don kasō la, min kuntaala b'a ta tile 15 la fo ka se kalo 6 ma.

Sariyasebēn in dakun dōw file, minnu bē garibuya kan :

dakun 148 : Mogokoroba kēnēma fen o fen mana minē sarakadelili la nbēeda kan, o bē nangi ni kasoladon yē min kuntaala b'a damine tile 15 fo ka se kalo 6 ma.

Garibulujuratōminnu fana ladonnen don, n'u bē dōgōtōrōso walima nilahinēso wēre kōnō, n'olu yera sarakadelili la, olu fana bē nangi.

dakun 149 : Garibu walima lujuratō wēre fen o fen mana mogōwneni walima



K'u bagabaga walima n'u yera wali duw ni wali sow ni yōrō kērenkērennenw na, minnu kōnōdōnni kōnnen don u ma, u bē se kānangi o sababu la ni kasoladōn ye, min kuntaala b'a ta tile 15 fo ka se kalo 6 ma.

Dakun 150: wagabon walima garibu minnu masirilen mana minē ka sonjelikēminēn, i n'a fo sodayelennanw ni mogōjoginnanw, t'u bolo, olu bē don kasō la min kuntaala b'a ta kalo 6 fo ka se san 5 ma.


- wagabon walima garibu minnu mana minē joginni ni binkanni na, olu bē don kasō la min kuntaala bē san 2 ni san 5 ce.

- Wagabonw ni garibu minnu mana nangi walejugu kōfōlen ninnu kōson, olu bē wajibiyā ka jamana bila san 5 walima san 10 hake kōnō.

An ka kalansow matarafa

Ofisiri be ka kalanbaliya dibi fara ka bo a ka mara seneke law ne koro. Ofisiri ye seriusida ye, min nesinnen be malose ne yiriwali n'a lakanani ma, Segu mara kono; i n'a fo Joro kolon dugu minnu be Ofisiri ka mara la, ani marakala dugu minnu be Joro kolon na, Ofisiri ka mara kono. Ofisiri nemogoyaso y'a jateminne, ko ni seneke la kalanna, k'a faamu, o be do fara a ka soro yiriwali kan, k'a ka soro

sinsin a bolo;
ka laban k'a
k i s i
kalanbaliya
k a s a a r a
caman ma.
O de kama,
Ofisiri y'a ka
seneke duguw
laje, ka mogo



naani ta dugu kelen-kelen bee la, ce fila animusofila, k'olukalan balikukan karamogoya la, walasa, olu ka se k'u ka duguw mogow kalan.

An be san min na, n'o ye san 1996 ye, Ofisiri ye mogo minnu kalan karamogoya la, olu be ben ce 102 ma, ani muso 20. Joro zoni kono, kalanso 21 jora ka ban pewu. K'a damine san 1995 la, ka n'a bila san 1996 la, nin kalanso ninnu bee jora ka ban pewu. Nka, halibi, Ofisiri ma tila kalansow joli la. K'a ta san 1996 la, ka t'a bila san 1997 la, Ofisiri b'a fe ka kalanso 20 jo, ani magasan fila.

Kalanso joyor kelen-kelen musakaw be ben sefawari 92.000 ma. O nafolo la,

dugu mogow ka baaraw jateminena k'olu ben sefawari 22.000 ma. Baaraw be ke ni Fedi ka deme ye, Ofisiri ka yamaruya kono.

Ne b'a jini bee fe, an k'an jija, kalanso

ninnu kana ke kalanso lankolonw ye. U

jokun ye kalan min ye, o ka k'u kono; u

kana ke tonsigiyorow ye. Ala ka Ofisiri ni

Fedi ka jekabaara jidi. Ala ka kalan

yiriwa an ka jamana kono!

Kuma lasurunya la, Ofisiri ye nafoloma

feww bee bo. Dugu joyor kera kalanso

joyor dugukolo diliye, ani birikiw gosili,

ani kalanso joli n'a lakanali. Dugu

mogow ka baaraw jateminena k'olu ke

nafolo ye. O la, nafolo min donna

kalansow dafe, keme o keme, dugu ta

ye doreme 20 ye. Ofisiri y'a to 80 bo.

Ofisiri ka nafolo dilem bora Fedi kun.

Fedi ye porozye, min nesinnen don

yiriwali ma, n'a ni Ofisiri tege be pogon

bolo, walasa ka seneke law deme, kalan

ni sene siratige la.

U jera ka kalansow ni mangasanw jo

dugu minnu na, olu file.

Sama : kalanso kelen ani magasan

kelen. Babugu : kalanso kelen.

Babugukoroin : kalanso kelen.

Senekeun : kalanso kelen ni magasan kelen. Koyila bamanan : kalanso kelen. Tibi I : kalanso kelen. Tibi II : kalanso kelen. Cajiwere : kalanso kelen ni magasan kelen. Danina : kalanso kelen. Komine : kalanso kelen. Konu : kalanso kelen. Jalajugu : kalanso kelen. Koke : kalanso kelen ni magasan kelen. Sokolanbala : kalansokelen. Fobaabugu : kalansokelen. Nbebuguwere : kalanso kelen. Duguninkoro : kalanso kelen ni magasan kelen. Togu : kalanso kelen. Bakawere : kalanso kelen. Joro dugu kono : kalanso fila.

K'a damine san 1995 la, ka n'a bila san 1996 la, nin kalanso ninnu bee jora ka ban pewu. Nka, halibi, Ofisiri ma tila kalansow joli la. K'a ta san 1996 la, ka t'a bila san 1997 la, Ofisiri b'a fe ka kalanso 20 jo, ani magasan fila.

Kalanso joyor kelen-kelen musakaw be ben sefawari 92.000 ma. O nafolo la, dugu mogow ka baaraw jateminena k'olu ben sefawari 22.000 ma. Baaraw be ke ni Fedi ka deme ye, Ofisiri ka yamaruya kono.

Ne b'a jini bee fe, an k'an jija, kalanso ninnu kana ke kalanso lankolonw ye. U jokun ye kalan min ye, o ka k'u kono; u kana ke tonsigiyorow ye. Ala ka Ofisiri ni Fedi ka jekabaara jidi. Ala ka kalan yiriwa an ka jamana kono!

Basiru Kulubali Joro.

Balikukan joyor be jamana ka jetaa la wa ?

Nin ye jininkali nafama ye mogow caman be min ke. mogow caman b'u yere jininkal balikukan nafaw la an'a joyor jamana ka jetaa yiriwali la. Nin mogow ninnu kelen be ka balikukan ke waati temen kalan ye k'a nesin balikuw dorende ma togodaw la. U m'a faamu wa u filila kosebe.

sann'an ka jininkali nafama in jaabi, an ka kan k'an yere jininkal mun de la balikukan sigira sen kan dije kono? Mun de la Mali y'a wasa don kalan in na? Ni nafaa ni joyor te balikukan na, mun de la jamanaw bee be k'u cesiri kalan in yiriwaliko fe?

«ONU» n'o ye dije jamana horonyalenw ka tonba ye, o bolofara min cesirilen don kalanko ni donko ni sekow fe, n'a be wele

«UNESCO», n'a cakedaba be Faransi faaba (Pari) kono, o de ye balikukan koko; k'a sigi sen kan; ka tila k'a jira ko n'a ye fanga ni barika soro jamana o jamana kono, o jamana in be bo nogo la, a ka soro be yiriwa. An k'a donko balikukan ma sigi sen kan balikuw doron koson minnu be togodaw la. A dabora jamanadenw bee de kama minnu naniya ye ka donniya ni faamuya soro. Kabinj san 1960, jamana caman y'u cesiri balikukan infe; ue geleya caman soro a damine la; nka bi-bi in na, u y'a nafaw ye u ka jamana soro la. An k'a donko balikukan te kalanyemindabora balikuw doron de koson. «UNESCO» ye balikukan sigi sen kan walasa jamana bee jamanadenw ka se ka kalan k'u wolokanw na jetaa sira kan; ka se k'u kunkow jenabu ka soro u ma taa lakoli la. Mogokorobaw ni denmisenniw bee lajelen ka kan balikukan in na. Balikukan dabora ka balikuw kalan, minnu ma se ka nesoro. O tuma, ne hakili la balikukan ni lakoli kalan bee ye kelen ye; u be pogon dafa, nka utte ke kan kelen de la. Lakolikalan ni balikukan bee be ke walasa ka kalandenw de gesebenni ani kalanje ani jate kecogow la minnu b'a to u be faamuyalisoro, k'u ka jetaa sabati, sabu kalan ninnu bee naniya ye kalandenw ka kodon'nu ka yereta ye.

Ni nafa be lakolikalan na jamana ka jetaa la, ne hakili la nafa fana be balikukan na. Balikukan ye mogow miliyon caman bo kunfinya sira kan dije kono. «UNESCO» ka segesegeli la, balikukan ka san bisaba (30) baara kera sababu ye ka hadamaden (baliku ni denmisen) miliyon caman kalan; k'u dege gesebenni ni kalanje ni jate la.

Dije kono, ne b'na jamana kelen ta, k'o ke misali ye balikukan hukumu kono. O ye shinuwaw ka jamana ye. Hadamaden miliyari kelen ani miliyon tan pogon de be shinuwaw jamana kono.

Ala ni shinuwaw caya fe, u bee te se ka taa lakoli la. Nka balikukan y'a to mogow miliyon caman ye kalan soro. O de la, an be se k'a fo, ko balikukan joyoroba be shinuwaw ka bi jetaa la. Walasa k'u ka jetaa sabati ni balikukan ye, shinuwaw jamana jemogow ye feere caman sigi

A to be ne

(Ne 10 to)

sen kan : u ye rajow sigi togodaw la minnu b'a to mögöw be kalan soro, ka faa-uyali soro sene ni baganmara ni möoni kecogoyaw kan; u ye gafew caman fana dilan balikukalandenw ye. Shinuwa jamana togoda bëe (lakölikalan ma se minnu na) y'u cësiri balikukan fe; u ye seneke cogoyaw kalan; ka dugukolo ladoncogowdon; ka kenyea sabaticogo kalan; ka sene musakaw n'a tono ninicogo kalan. An be waati minna i kobi, Shinuwaw ka malo soro ta ka ca kosebe ka temen jamana yiriwalencamanta kan. Otuma, an k'a don ko balikukan ye nafa belebele lase shinuwa ma sabu a y'u ka soro w yiriwa; k'u ka mögo kalanenw caya.

Nin misali temennen kō, n'an ye Mali fana lajé, an b'a soro ko balikukalan ye caman bō kunfinya la. Balikukalan donna dugu misenw caman kono, min kera sababu ye ka dugudenw kunnafoni netaa sira kan. Bi-bi in na, cikelaw ni baganmaralaw caman be k'u sinsin balikukalan de kan walasa k'u ka sorow yiriwa; k'u ka sannifeere jenabō; k'u ka tono n'u ka bone hake lakodon. N'an ye misali ta «CMDT» kan, balikukalan kera sababu ye ka cikelaw deme koorisene na, k'u ka soro hake yiriwa. «CMDT» ye balikukalan don dugu caman kono, soro yiriwali nata kama. Nin koso, an be se k'a foko balikukalan ye nafaba ne a kalanbagaw ve

Ne ka faamuyali la, balikukalan sigira senkan walasa kajamana goferenaman dème a ka kalanko baaraw nogoyali la, sabuni mogm min ma lakolikalansorō, i be se ka balikukalan ke walasa ka dönniya nini. Lakolikalani balikukalan bee naniya ye ka jamanadenw kalan walasa ka jamana bo nogo la. Kalan o kalan, n'a naniya te netaa sabatili ye, o te kalan ye; nafa foyi t'o la. O tuma, an k'a don ko balikukalan fana ye kalan ye minjoyoro ka bonjamana soroyiriwali la. Ni joyoro ni nafa t'a la, «UNESCO» nemogow tun tena a kuma fo; wa jamanaw tun tena u cesiri a yiriwali fe. N'i y'a ye, a be fo ko nafa te balikukalan na, oy'a ye neccogow ma sonk'u wasadon kalan in na. An k'an cesiri balikukalan fe, i n'a fo an b'an cesiri lakolikalani fe.

Kungosogow ni
nsonsannin ka kele

San dɔla, kungosogow bɛe jera ka foro bo nɔgonfe, k'a cikə nɔgonfe. U ye no de dan foro kono. No sera tigelı ye turma min na, u y'a tige. A sera gosili ye turma min na, u y'a gosi, k'a ke jigine kono.
baara bannen, u ko bɛe ka t'a sennayaala. Bɛe taara, nka nsongsannin y'u ka no bɛe bo, ka taa n'a ye a ka so.
Sogow nawaati nana se. U bɛe nana nɔgon soro jigineda la, u ye jigine kono laje, k'a soro foyi t'a kono. U bɛe kabakoyara ko: «jɔn y'an ka suman bo ?
U ye nɔgon nɔninka. U y'a jira ko bɛe k'i taayɔrɔ fo. Dɔw k'u taara «Jalafoyi»; dɔw k'olu taara «Jataloyi», dɔw k'u taara «Tigangonni»; dɔw k'u taara «Kalake». Bɛe y'a taayɔrɔ fo. A sera nsongsannin ma, ale ko : «A taara jigine; ka bo jigine, ka taa nobo; ka bo nobo ka taa kolonda; ka bo kolonda ka taa nosusu; ka bo nosusu ka taa noko; ka bo noko; ka taa nobunte; ka bo nobunten ka taa notenten; ka bo notenten ka taa notobi ; ka bo notobi ka taa tobɔ.. ka bo tobɔ ka taa tokunnansigi; ka bo tokunnansigi ka taa todun; ka bo todun ka taa tegeko; ka bo tegeko ka taa barikada; ka bo barikada ka soro ka na yan.»
Sogow kulela ko : «e ! e ! e ! nsongsannin jamana fo k'a tine. Suruku ko : «A' ye nsongsan mine, ale de y'an ka no bo «! Nsonsannin bolila coyi; a tunnuna o yɔronin bɛe, u m'a soro.

In'a fowaraba ye kungofenw b  e kuntigi
ye, mali fana ye jilafenw b  e kuntigi ye,
olu fila b  enn'a la ko waraba kana s  n
nsonsannin ka bin dun gere kan; mali
fana kana s  n a ka ii min ba la.

Nsonsannin bora bënbenben in kalamá min kë, a taara don misisu do golo kono, ntumuwe kelen don ka min fan bee sogosogó; nsonsannin y'a yere ke warayelema do ye, k'a togo yelema ko «Korongo». Abe toka yaala-yaala kungo kono, k'a fo «A fugufagafugu korongo, sanni nsongsannin ka n'an danga». Abe to k'ofo, don do la a ni waraba nana ben. Waraba y'a nininka k'e togo? A ko : «ne togo Korongo».

waraba ko « yala, mun de y'i ke tan ? »
Korongo ko : « Korɔ nsongsan de ye ne
danga, o de ye ne ke tan ».
C'est à dire : « Tu as été dérobé par un

O yɔ́rɔ́niñ bɛ́ɛ, waraba ye ci bila ka t'a fo
nsonsan ye, k'ale waraba y'a yamaruya
a ka bin dun gere kan. Waraba siranna
nsonsanin ka danga ñe.
N

Nsonsannin n'a ka misigolo sogosogolen taar'a jo bajida la. A b'a fo : «A fugufagafugu korongo, sanni nsonsannin ka n'an danga». Mali y'o men min ke, a ko «yala nsonsannin ka danga de ye ke tan wa ?». Korongo ko : «**owó**». Maliba k'a ma : «T'a fo nsonsannin ye a ka na ji min ba la fo k'a fa kosebe». kabini o don fo bi, kungosogow ni nsonsannin ka kele banna.

Kaka Keta
Sanmanin.

TULON

Nin desen fila dilanbagá y'a dab'a kama, ka fili 10 k'u la. A y'olu nini.



1- Sbedenni min be walan kan. 2- wlan dawolo. 3- Misir. 4- Ce ne sante si. 5- Koori-kooft minu be Kunjolo. 6- Kunnabiin unu min be ce ks kan. 7- ja min de cennin kan kan. 8- Kmin fe fenentre ds. 9- ja ds be bo lo la. 10- ce Kminbo lo.

KCR

Soroyiriwa

Alimani ni Faransi ye Mali dème



Taratadon, awirilikalo tile 16, san 1996, Mali kokankow minisiri, Jönkunda Tarawele ani Alimani ka lasigiden, Haro Aditiy'ubolonobia bilə bənkansəben dəla, min bə jamana fila jekabaara sabati, nafoloko siratige la.

Seben in kera sababu ye, Alimani ka sefa miliyari 17 di Mali ma. Wari in dira, walasa ka jamana fila ka porozew labaara, minnu sigira senkan okutoburukalo təmennen in na.

Porozew nəsinnen don köröfela ni jamana marada filanan jiko ma; ani ləkəlisow ni ləkəlidən w ka dumunitobiyorw joli, Moti mara la. Sənekəlaw ka banki, «BNDA» ni kerənyereye baarada dəw fəna niyɔrə bə nafolo dilen in na; ka fara arajoso ta kan, n'o ye miliyari 8 ye. Nafolo in dilikun baara kologirinw ye jiko, dunkafa, baaradaw ni sirabaw dilanni, ani nafolokow yiriwali ye.

Taratadon kelen in na, Faransi ye sefa miliyari kelen ni miliyari 800 di Mali ma, Jönkunda Tarawele ni. Faransi ka lasigiden Gabiriyeli Belesizi ka seereya kōn, dème hukumu kōn.

Nafolo dira kerənkerənnenyia la desantalarizason baaraw tiimeli cogenuman kama.

Ka foroba baaradaw ni marabolow ka cakeda sigisenkan, k'ulaben konuman. Faransi ka lasigiden y'a jira ko dème in dabəra jamana nəmajoli kama, ani demokarasikosinsinni, ka danaya fana sabatijamanadenw ni jamana ka fanga bondaw ni nəgən ce.

Minisiri Jönkunda ka fo la, desantalarizason ye sababu numanye, min bə demokarasi barikaya, ka nəgənsirataama waleya Mali n'a lamini jamanaw ce.

«BNDA» NI MALOSENELAW KA JURUKO

Kunnafonisəben dəw y'a jira, k'a bə waati kunkurunin bə, mankanba do wulilen don sənekəlaw ka banki «BNDA» ni maloşenelaw ce, ləno ani Joro duguw kōn. Warijurudonnen bə se sefa miliyari 1 ani miliyari 252 ma.

«BNDA» kuntigiba, Bakari Tarawele ka fəla, banki ye fanga senbojuru kaninina, ka bənkansəben do labən ni tənw ka yamaruya ye, min bə maloşenelaw wajibya k'u ka ninan malo sərəlen tila sabanan di k'u ka juruw sara.

Nka, o ko ni sababa ma bən, ka d'a kan, dəwəre ma se ka sara sefa miliyari 83 dərən kō. Bakari y'a jira ko sənekəlaw t'a fe ka juru yere de sera; o kəsən, banki te juru don sənekəla si la tugun, min te se k'a sara.

Sənekəlaw ka fəla, ko geleyayərə bə tənw nəməgəw la, sabu, olu mana wari sərə, u bə fitinin di sənekəlaw ma, ka sərə ka malowərəmasinw ni motow san u yere ye, ka dakabana sow jo.

Kodətədələmin, dək'onaana-naanakan fo. Minnu ye wari dun, olu de ka kan k'a sara.

Mankan kelen in wulilen don Joro dugu fana kōn. Olu ta ka jugu ni lənokaw ta ye, sabu, yen, bənkansəben ma dilan. Sariya jurukaninaw tara banki fe k'a ka wari jini.

Olu bə baara la, hali su fe.

A laban, sənekəla dəw bolila k'u ka denbayaw to; dəw y'u ka baganw n'u ka sumanw labo ka taa dugu wərew la. Jorokaw ka maloforow bə ben taari baa 15 ma.

Jekulu kuntigiya ka fisə ni depiteya ye

Benən jamana dugu caman cikejekuluw te jen ni forobabaarakəlaw farali ye u kan sərəkow siratige la, kuma te u sendonni ma u ka jekuluw la.

O b'a jira k'o duguw cikelaw bə siran dugubakənəməgo kalannenw ne, k'olu makafiyen, u ka misən, u dalakan ka ca, utəcike nedən, nka, u bə se wari, nənicogo la, cikelaw kəkan. A dəw y'a fo ko məen kera u kan kojugu; ko n'u tun m'u senbo məgo kalannenw sen na, k'olu yerew tun te bo nəgo la, utə ne sərə, u te nafolo sərə, u te nafa sərə u ka sənəfən na.

Kabini cikelaw y'u sago sərə, u y'u yere laben cogo bee la.

Məne ma don u la tugun, bawo, u b'u

ka kow nənabə u yere ye; məgo te kuma utəgəla; u bə nafolo juru ta foroba kəsu la, k'otila u ni nəgən ce, k'umagojefən wəsan; u b'u ka sənnifeerew kə, k'u ka jatew bo, k'u ka sinişigiləw dantige.

Cikelaw ka yere nini ye sira sərə yoro minnu na, olu jekuluw nəməgoya nana fisaya, fo k'a diya ni dugutigiya, wali depiteya yere ye.

Olu bə bə kəne o kəne kan dugu kōn, u yerew bə b'o kəne kan, fo k'a ne, wa, u t'u kan majigin məgo ye k'o ye faamalaməgo ye. U ka jugu olu de ma, bawo, olu tun b'u nanbara cogo minna, o de tun y'u kəne ka bə nəgo la.

Ob'a jira kəsən, kow yələmara; ko cikelaw t'u yere faga baara la tugun, məgo wərew k'o tənə dun Benən..

KOÖRİSENE YE BALOKO GELEYA

Ni Mali sənekəlaw m'u hakili t'ye re la, koöriko bəna do bə no sərəli la.

Koöri sənəta ka ca kosebə. N'i ye «CMDT» ni Hotiwale ka maraw kono duguw sigi kəmə - kəmə, i b'a sərə dugu 80 ka koörisene fanga ka bon ka temen nəsənə kan.

Ni məgo min ye san təmənnən wəjateminə n'a fo san 1991 ni san 1992, ani san 1993, zanwiye kalo waati la, i b'a sərə no kilo songo te təmen dərəmə 6 kan, ani 8, fo ka se marisikalo ma. Nka, san 1995 ni san 1996 la, waati kelen in na, no kilo kelen sera dərəmə 15 ma, fo 18. Jantonyerəla Körökə ka ni.

Sungalo Tarawele
Farada Guni
Kulukoro mara la

"AMAP" kuntigi
Gawusu DARABO
Mali kanw kunnafonisəbenw
baarada kuntigi
Nanze Samake
Kibaru
BP : 24 Telefon: 22-21-04
Kibaru Bugufiye Bozola
Bamako - Mali
Dilanbagaw ni sebenbagaw kuntigi
Basiriki Ture
Sebenbagaw kuntigi
Baadama Dukure
Labugunyoro: Kibaru gafedilan baarada
Bolen Hake 16.000